

# Pátu: Ye'pamasa na masisere tueñaka wese

Pátu: the “memory powder” of connoisseurs Ye’pamasa

Pátu: el “polvo de la memoria” de los Ye’pamasa

Dagoberto Lima Azevedo

## Texto indígena

**Editor:** Edgar Bolívar-Urueta

**Como citar este artigo:** Azevedo, D.L. (2021). Pátu: Ye’pamasa na masisere tueñaka wese. *Mundo Amazônico*, 12(2), 153-164. <http://doi.org/10.15446/ma.v12n2.97157>

## Wereneôro

A’ti püripure masiose nií pátu kase kumúa Ye’pamasa naâ tueñase, masise, iñase. Pátu kase ukû, masiô weseti wesírikare wiôse tueñama buera pékasa tohowero yoaka te bahutiro weroho nisiti. Tohonika basa wi’iseri ehuâ wetiâra ñase nií nise tutuâ yeruka te kasere bue, masiô wero u’asa nitise noho nikapa. Te pátu na Ye’pamasa mâ Ùmekoho Ñeku pü keoseti nükapi. A’ti u’mukohó, a’tipati, masa tohonika a’ti di’tapé de’ro nise da’re bahureôti këopi. Tere buâ ba’â tueña duhí wegé. Kë toho weke niyuro a’to kateropere te kumârare basese, kihti ukûse, basase tueña wakünere wese nií. A’tiro nipa, a’tiro nisa, a’tiro nirô toho wasa nisê waka wetamose kumûre na tueñe merâ.

*Ukûse ñose:* pátu; masise; tueñase; Ye’pamasa

## Resumo

Este artigo intitulado *Pátu: o “pó da memória” dos conhecedores ye’pamasa* (Tukano) aborda um conjunto amplo e complexo de ideias, concepções e perspectivas a respeito do pátu dos Ye’pamasa, tal como fazem e pensam os *kumúa ye’pamasa*. Talvez por ser uma temática complexa e que foi silenciada há muito tempo através da destruição das *basaka wi’iseri* (malocas) pelos não-indígenas, têm-se pouco investimentos de pesquisa e estudo sobre ela no alto Rio Negro. Para os Ye’pamasa, o pátu foi usado pelo Ùmekoho Ñeku para intuir e pensar a construção do *a’tipati* (mundo) e a criação dos primeiros seres humanos. Esse produto, ao ser consumido, ativa os conhecimentos tradicionais, baseados no *kiti ukûse* (narrativas míticas), *basese* (“benzimentos”) e *basase* (cerimônias de rituais de cantos/

**Dagoberto Lima Azevedo** Programa de Pós-Graduação em Antropologia-PPGAS/UFAM Social  
buegê. Alto Rio Negro kë Dasei. E-mail: limaazevedo@gmail.com

danças) que se ouve e escuta dos especialistas *ye'pamas* (tukano). Assim, o *pátu* é entendido como *tewñakawese*, o pó da memória dos *Ye'pamasa*, um elemento de uso dos especialistas para a produção, reprodução e construção de conhecimentos tradicionais.

*Palavras-chave:* pátu; coca; conhecimento tradicional; pensamento; *Ye'pamasa*; Tukano

#### Abstract

This article entitled *Pátu: the “dust of memory” of the Ye’pamasa* (Tukano) encompasses a wide and complex set of ideas, conceptions and perspectives regarding the *pátu* of the *Ye’pamasa*, just as the *kumúa ye’pamasa* do and think. Perhaps because it is a complex theme and has been silenced for a long time due to the destruction of *basaka wi’iseri* (malocas) by non-indigenous people, there is little investment in research and study on it in the upper Rio Negro. For the *Ye’pamasa*, the *pátu* was used by *U’mekoho Ñeket* to intuit and think about the construction of the *a’tipati* (world) and the creation of the first human beings. This product, when consumed, activates traditional knowledge, based on *kihi uküse* (mythical narratives), *basese* (“blessings”) and *basase* (ceremonies of singing / dancing rituals) that you hear and hear from *ye’pamas* (tukano specialists). Thus, the *pátu* is understood as *tewñakawese*, the memory powder of the *Ye’pamasa*, an element of use by specialists for the production, reproduction and construction of traditional knowledge.

*Keywords:* pátu; coca; traditional knowledge; thought; *Ye’pamasa*; Tukano

#### Resumen

Este artículo titulado *Pátu: el “polvo de la memoria” de los Ye’pamasa* (Tukano) engloba un amplio y complejo conjunto de ideas, concepciones y perspectivas sobre el *pátu de los Ye’pamasa*, tal y como hacen y piensan los *kumúa ye’pamasa*. Quizás por tratarse de una temática compleja que ha sido silenciada durante mucho tiempo a causa de la destrucción de *basaka wi’iseri* (malocas) por parte de personas no indígenas, hay poca inversión en su investigación y estudio en el alto Río Negro. Para los *Ye’pamasa*, el *pátu* fue utilizado por *U’mekoho Neket* para intuir y pensar sobre la construcción del *a’tipati* (mundo) y la creación de los primeros seres humanos. Cuando se utiliza esta sustancia se activa el conocimiento tradicional, basado en *kihi uküse* (narrativas míticas), *basese* (“bendiciones”) y *basase* (ceremonias rituales de canto / baile) que se escucha de *ye’pamas* (especialistas en tukano). Así, el *pátu* se entiende como *tewñakawese*, el polvo de la memoria de los *Ye’pamasa*, elemento de uso de los especialistas para la producción, reproducción y construcción de conocimientos tradicionales.

*Palabras clave:* pátu; coca; conocimiento tradicional; pensamiento; *Ye’pamasa*; Tukano

## Werenukaro

**A**’ti purípue masiorasa *pátu* kase *Ye’pamasa*, Kësa kahara, na i’ña tohonika masio wesetisere. Te ka’sere o’ohake pehe nika de’ro nukake, de’ro i’ña tuoña, masio wesetise ní pahara masa a’ti Ma’ma U’mekoho ní nã pekasa wemeyeka di’tapure. Tohowero tí patugue, tigü püri kase merã da’re ba’a wesere pehe pisuma. A’tikese nií nikarë mu’usare masiõ kehouti. Aimara masa coca nima, colombiapue Lecia wametiri makapure mambe nima, Witoto masa peâ jibie nima, Bekarâpea hipadu nima, Peôra pea Pü’ük nima, Rio Negro kahara pea Ipadu nima, *Ye’pamasa* pea *pátu* nima. Meho nipetira masinoro pea coca ni. Newaropure tigü tohonika tigü püri merã da’re wihiro wese añuse nito nií i’ñaseti miparã a’ra pekasa kerã. Tohowera sirîse, buose we weseti miparã. Nâ buese merã tere bue wetihara ñase nito, masure dohoreôse nito ní masiôpara. Nâ toho weka maha ñase tohokapa narê, tere o’tese biâka wepa te a’to kateropue toho bahuse tewñaseti wema nã. Toho waka masa kurari nökue tere o’te këoseti, da’re ba’âseti wesetipue ñeowapa. Pekasa wiora nirawe nirã nã tê newaropure o’te këoseti wekarare ukû, tew wetima aňu waroma. Nâ buese merã diâku toho nito ni

wekehekū niseti, masiseti, tueñaseti wekama. Toho wesetisere i'ña wei y'e'ue tere masiog̃eti ní a'rā kumúa Tarcísio Barreto Ye'pamasu tohonika Mario Campos U'mekohorimasu ná masise masioke merā tohonika y'e'ue paku kiti wereka merā masiô nemoñuti.

A'ti püripure pátu ní masioñuti coca niroho o'gu Ye'pamasa Ñemeka merā. Pátu ní bukera ná da're ba'âse. Toho weâtihi dëporore pátu pürire suâ, u'te, do'ke, pawe e morê weke ní pátu ná nise. A'tere pátu ba'âg̃u da're ba'âg̃u a'tiro toho wemagu meheta wemi. Basese merā terê da'âre ba'â weipu. Topu tere añuse ehô, niku pôra ba'âtehe nirósato, tueñase waka wese nirósato ní da're ba'âpe. Wa'ímasa kerä toho weita nâre bœa e'kapu napu weari niñu.

A'tipuri masiorosa pátu de'rowe wenopari newaropure nise, de'ro wei ku Urukohu Ñeku tere kueopari nise, be'ro wa'ímaso a'tipatipu pakure yahâ wetiño mitipari Ye'paoâkuhü ya di'tapure nise. Tere masiô tahaka be'ro nirosa taha a'ti di'tapure pátagu kueonose tohonika Ye'pamasu pátu ba'âg̃u a'ti di'tapu de'ro tere da're ba'ati nise.

Nâ bukera kiti ukûse masira kahara te páture ukûra a'te m'urô merā ba'pa dareô ukû masiôsetima. Mehô y'e'uepa pátu kasere diâku masiog̃eti. Pehe nikasa tê m'uro kase kerä. Pátu toho wesê nito, masise parî peheâka wese ní nisere i'ñorosa. Meho nê nipetira tere ba'âra toho bukera masise, ukûse parî peha weka wetisa. Base e'ka toho wekabero beti wei noho tere bokasami ní y'e'ure werewa kumúa pátu kase nere O'ânu ukukatero. Pátugu u'mu katiro ti kuhu ní. Pátu da're ba'â tê merâ ukû duhi naiño wetihara bukera ná masikere, kueokere masika wetamose ní. A'tirota ní ukû weku niwi Gabriel Gentil Tukano kerä a'râ Policia Federal tere Kusapure u'uhâ wekusiaka be'ro, Brasil kahara wiorare (Gentil Tukano, 1983). U'mukohorimasu Luis Lana kera kuya livropu "A'ti u'mukohu newaropure mariporo" (1995) nrí püripure a'tiro nimi: "newaropure Ye'pa Bero pátu bœa ba'â tere kuñu wepo de'ro a'ti u'mekohore tohonika a'râ masare bahurêo da'regosari nigo". A'tiro ná nike, masioke y'e'ure a'te páture masiô nemoti nise tueñase, wakûse ní a'te masu wesetise, nisetise kase merâ buese merâ.

I'tiá muhipu be'ro Leticiapu niî toha tigeti pekasaye merâ wese kasere masigure Pieter Jan van der Veld (ISA) re seriñawu pátu kasere bukera merâ tohonika a'ti u'mekoho de'ro wasere i'ña nueru bue (AIMA) werâ merâ nerekea ukû narê tueñawu na ye'pamasaa Alto Rio Negro kahara merâ. Yoaka bero tohota werâ nise ehawu topu toho wenorosa nise merâ. Toho nerekea ukû tueñawu nise merâ. Toho te pátu kasere ukutamo werâ ehawa y'e'ue ma'mi niî a'kasuora, nihakera, peñara, mekuhukera, parâmikerâ. Y'e'ue masira diaku niyuka ye'pamasaa ñemeka merâ diaku ukû te pátu kasere. Peye niî na ye'pamasaa na masisere miwako nuko ukûse a'te m'erô a'te pátu niî, meho a'ti puripure pátu kase diaku masiô norosa. Toho nerekea ukû weke wawu Oánepu, Kusa Dehko niîri makapu.

Toho nika a'to ohoâ masiôgutí yu'ü iñake, katisetike, weñake, tueoke a'te pátu kasere te nirôsa yu'ü yepamasü serîna bue masiwakati weke nirô werosa. A'pe masatiropü tohonika yu'ü a'kaweretiropü weke. Ohoâ masiogutí na bükura masira kahara te páture de'ro ukûseti weti, de'ro iñakasa nukoti, de'ro niî masiôseti, wamepeoseti wetina nise masio norôsa. Niirôsa a'te kiti ukûse tepü niî toho nito niî masiôse, a'tiro wakaro niwü nise, bahusetise. A'te mûrô, a'te kapi merâ kasetá nirô wemi meho a'ti puripüre pátu kase diakü nirôsa. Yu'ü masise merâ tohonika 2019 nika pátu kasere Kesa Deko, Oánü wametiri maka bükurare neökü narê tue, na merâ ukü weke kase nirôsa. Na ye'pamasaa nima Alto Rio Negro, Amazonas püre. Topü kahara bükura masira kahara merâ yu'ü tue kere masiôgutí a'ti püripüre.

## Pátu Ù'mukoho Ñekü ya wi'ikapü

---

A'râ Ye'pamasare a'te kiti ukûse pu' niî de'ro nise yokusudü'ka, waikure, wa'í, masa na de'ro weke wasetike peye niîsa tepü masiôse këo te kasere. Tepüta niî taha masiôse a'tipati kase, a'ti mûkoho de'ro nisetise. Masira kaharare tuanoha de'ro o'tese bahuapari nika a'tiro niî yu'ti nekawâ: "a'tiro bahukaro niwü". Toho wero pátu kasere ukü masiô tihî dë'poro masiro niî pátu kitire. Be'ro a'peye ukûka nemonorasa.

Kiti ukûse masiô norosa a'ra masira yepamahsa yere, na masiôma noha noho nipari newaropüre te pátu këokara nisere. A'te kiti ukuse te tueoti kure diasia nisa, peye o'ohano tahano karo niwü iñare më'usa papera turiripü Õpeködia Di'ta kahara Poterikara Kehti Ukûse Masiôra (1995-2007) nise purî püre. Kiti Ukuse niî dë'poropü de'ro wake, a'râ oâmahara wesetike, te keti nirôpema masaye kase buesepüre a'te masa weroho baura na weke kiti nisa, paka werese këose, dë'poro kase werese nisa niî masiô, tohowera a'peye wiopesa mera ye'pamasa na were na masise nisa naye makaripü, biatü bawakara, na da'resepü nisa. Tohowei, a'to pátu kasere ukü weiti te kiti ukûse kase merâ nukaküti a'tipati da'rekaró merâ a'rî Ùmukoho Ñekü nukake kemerâ. A'rîta newaropüre te pátu bë'âba tueña nuhea toho wero yu'asa masa bahureõti ni wepu. A'peroma na masira kahara pátuge wa'imasa ye nimipa newaropüre niwa. Be'ro na makore a'ti di'tape nigüpe nümoti wetihü natiropu siha wegü ti pátu kapere miti nopa niwâ kë nümo wa'imaso merâ. Ko pakütiropü marapüre sëori siago ehago nika dë'püre pemipo, ti dë'püre a'ti Ù'mukohopü mita marapüre wiapo.

Bükura kiti ukûse merâ nirâ a'ri Ùmukoho Ñekü nipi kë ya wi'í Ùmuse Wi'ípu niwâ. Ti kë ya wi'íre a'te ü'tâ boho yaígü, u'tika yapan mûrõro peoro, pátu waro, sarirõ, sió yapan, kumûro níporo. Ti wi'ípu diakü níporo a'te. A'te merâ te tutuâse këoro merâ Ùmukoho Ñekü tueña, wakü wepu a'ti mûkohore tohonika a'topü nise katiro këosere bahurêo da'regutí. A'ti pati ne ñenoho marika iñá tohonika nañtiäro diakü nika iñá pátu bëa ba'â, mûrõ uhu tueña duhi wepu këya kumûropü. De'rowe bahurêo da'regusari a'ra masa niâharë

tohonika waikurare niāharē, di'tare, a'kore ni tueñapu. A'ti pati re, di'tare, a'ra wa'ikura, a'kore, a'sisere, ōmekurari bahureōpu. Keoro warotawe nipe masa d'sama ti patipure niāha ni tueña iñapu. Tohoni tueña wegū kuya uthaboho kumūropu e'ñe nu ehâ te kue tutuase a'to sariro tohonika pátu waharo miñe wepe. Toho weguta kue semâ oäre mi mērōpu d'püpue pa'sua kue uro mēra yehue bahsepue masā bahuarore. Umekoho Ñekue te kuye a'peka merā miñe tueña noeha darepu a'timukohoh tohonika a'tipati nisere tohonika niñ kahtirare. Te kue Umekoho Ñekue a'peka tise teta nikarowe tutuase, kamotese, masise. Toho wegū páture bu'âba, mērōro uhu wegū tueña a'tiro we bahureōti a'ra masare, waikura, a'ko, o'me, dia, eherimise niâ tehore to nañtiro nimikaropu na nika nise merā pátu bu'a ba'âpu. A'ti uthaboho yaigü iñakasa a'tipatire tuñe kuehü. Tohowero a'ti pati tigü tuñeropu, tigü setuaropu waporu toho wa weka kumarí tohonika puekeri waporu. Kumurope yokü bu'tikehü merā da'reke niñ ti kumuropu miñe noha tueña duhi a'tiro nikaro niwue masise niñse masiogü duhimi tohonika base duhigü, a'ti patire a'pogü duhimi. Umekoho Ñekue kue toho weipu duhika kumurō nirō weporo a'ti di'ta kahse nisere bahureōgu.

Ye'pamasaare pueaturi niñ añuro na masiobutiase: uthmaropu kahse tohonika doka kahse. Buhpo pua uthmukohoh merā amesuo nuko weiti a'ti yaigü merā kue basero merā tuñe nuko wepe te pa'tirire. Tohewe newaropu kue da'reka di'tapure basero mērō kape tohonika pátu kape pirika wepe. Te mērō nipo a'te saí mērogü, d'puri mērogü, ahko mērogü. Te kuye wadari, kue oãupuri, kuye tutuase nirō weporo. Te merā taha piriporo a'te pátu, karé pátu, yuke pátu, wekue pátu a'te niipa kaseri, heriporã kase wadari katika wese, masu kue uthpue tutuase niñsetisa nisa.

Umekoho Ñekue a'tere basero merā nineo nuko da'repi ne masa uthpuri da'rei, to kue uró tutuaro merā wei wepi. Toho baseiti Umekoho Ñekue kuya kumuropu, uthaboho kumuropu ehenoa wepe tohonika kuetiro sarirō buipu pátu waharo dupeopu, mērōpa d'hpue miñe basepe masa bahuarore, a'tiro o'opu:

Karâko masa bahuarida

Ópeko diro

Karâko masa bahuarida, dühka bührida

Karâkoda dühka mimida

Karâko weri sopoda

Ópekô weri sopoda, masa bahuarida

Ópekô diro maha diro

Amesuo peopi

Masa bahuari sarirõ

Karāko sarirō  
Ñopekō sarirō  
Masa bahuari wahatoro  
Ñ'taboho wehta waharo  
Karāko weri sopo waharo  
Ñopekō weri sopo waharo  
Kʉ katise kumu  
Masa bahuari kumuro  
Masa bahuari ñ'taboho kumuro  
Masa bahuari siñpuri kumuro  
Karāko kumuro  
Ñopekō kumuro  
Karāko weri sopo kumuro  
Masa bahuari kumuro pehka yʉ'seo tuwesapi.  
Kʉ katise dasiatʉ  
Ñ'taboho duhpu miñe nohãpi  
Karāko dʉhpʉ, ñopekō dʉhpʉ  
Masa bahuari dʉhpʉ  
Karāko mʉrōro  
Ñopekō mʉrōro nigʉta puti kehopĩ

A'to basero ñ'mukohó ñekʉ a'tiro weka añuro niñ a'pokaro tohonika weñakaro niñ ne masare bahureõʉ wekaro. Mʉrōro merã base taha tore uhu putipeopʉ pátu waharo pʉ masa bahuato niñ. Toho weka sarirō a'meña kati kumi ameñatia waporø masʉ bahuaueti wemi niñ koterikura. ñ'mukohó ñekʉ toho waka i'ña a'paturi tota basepʉ taha tohowe taha putio pʉtaha ti pátu waharo sarirō bui pe'saropʉ. Ameña wakati, ti waharopʉ a'karoti wakati bu'pʉ mawihatipʉ a'te yabase merã. Bahuarimahsã wametipra ti waharopʉ bahuwiñatira i'ñata añuro na o'meperi yosase, na busase añuro a'sipase níparo. A'paturi basepʉ taha tohota to dʉ'poro basekarø nohota tohoweka a'pí masa bahuapʉ. Keoro warota we niñ na ʉ'pʉrire peka yʉ'seo, na i'ñakeho noña marisere pekaporáta wepʉ toho wetikara ñ'mukohó ñekʉ na kũ bahureõka merã utamota basiotiporo. A'ra yʉ'ʉ bahureõkara karāko diró masa nirasama, ñopeko diró masa nípʉ. A'te merã peka yʉ'seo base wepʉ ti pátu waharopʉ bahuwiñatira. ñ'mukohó ñekʉ toho we bahuriora yʉ'sea basero merã nike keoro waka i'ña, weñaka wetihañʉ ti pátu waharo pʉ mʉrō

putio wetihin̄u nika mukā kase u'mua tohonika nika mukā kase kahara numiā bahuaka wep̄e. Toho weka bahuakara niyuka Yepa Bahuarimahsa wametima na tohonika narēta taha toho Buhakārimahsa niparā. A'tere yu'ure were masiōwi Ñahuripor̄ José Azevedo tohonika yu'ue meé Hausirōpor̄ Miguel Azevedo. A'rīta nikap̄ri "Dahsea Hausirō Pora ukūsehe wiopesase merābueri turi" a'to "Öpekōdia Di'ta kahara Poterikara Kehti Ukūse Masiōra", masiōmi a'to yu'ue masiōro nohta niī tipurip̄u kerā.

A'to katerop̄re wimaure heriporā basera a'to titap̄ Ūmukoho Ñeku masa bahureōḡu k̄ basekarota wesama niīwa te masirā kahara. K̄ wekarohota mero uhu tueña nohaya, pátu ba'ā waku nohaya wesama niwā. Titap̄ Ūmukoho Ñeku weseti karohota a'to katero kahara basera wesetima. Na kumāa titap̄ heriporā basero wekarohota wesama. Tiḡu pátuḡ ūmukoho Ñeku semā oā níparo, masise k̄hose kasegu.

Tohowero a'ti kumuro a'te pátu a'ti m̄ororo Ūmukoho Ñeku temerā niñe noeħa a'ti ūmukohore, a'ti pa'atire tohonika newaro masa nikarare bahureoph̄. Ūmukoho Ñeku a'peka, k̄ oāe'p̄ri nirōwesa tea taha. Te k̄ toho wekere a'ra kumua basera merā tohapa naye ukūse, tutuase, masise na oāe'p̄ri nirō wesa.

Ūmukoho Ñeku pátu nerē, m̄orōrō miñe uhu tueña nueha wep̄i a'tiro k̄ wekarohota wesama kumuā na basea tihi d̄'poro, na a'meri m̄erop̄ ukūseti wea tihi d̄'porore na buhi s̄em̄āre, mañeku s̄em̄āre poose n̄em̄rirē.

Na p̄am̄use kahara tí pátu warop̄ bahua wihatikara naâ niâ tehe ñebur̄eo tohonika na nek̄u da'rase d̄ekawa nopara a'ti m̄ukoho niâ tehore wewaka nemoña nimip̄. Ne t̄i waharop̄ bahuak̄ Ye'paoāk̄ wameye nop̄ a'pera Ye'pa Muhipū nima k̄retā taha, a'ri ñamire i'ñanur̄u tohonika boreyuka weisa m̄e'u ninop̄. K̄ niâ tihi wi'í n̄ep̄ ūm̄use Wi'íre. K̄ bero bahuak̄ Dehs̄ebari Oāk̄ wame ye nop̄, wesarire da'rasere, waik̄ura desuba'āsere, wa'i desuba'āsere ñakasaya nise n̄ep̄ k̄ua. Tohonika peēru i'ña bahureō, poóse kase a'te basase kasere be'rop̄ nituriara wesetiatu nisere da'reya niīnop̄ a'rī. K̄ be'ro k̄eh̄e Warāri Oāk̄ a'rīre numiāre a'ma bahureosa m̄e'u tohonika o'tese, n̄ek̄ukase nimâ masi nisa ninop̄. Be'ro taha ti waharop̄ bahua k̄re wame yep̄ Yupuri Basebo a'ri o'tese masu n̄ip̄ toho wei wese da'rase kasere i'ñakasa neko weya ninop̄, tí wese kase o'tea tehore i'ña bahureōna ninop̄ k̄ uro tutuaro merā. Buhtuyari Oāk̄ wametip̄ a'pi di'ta nek̄eri wioḡu niña ninop̄ tohonika waik̄ura i'ñanur̄uḡu niña ninop̄. A'rā u'm̄āre na da'ra tehe d̄ekawa taha numiāra ehēkatip̄. Masa mamiōre Amō niosu n̄ip̄ koreta taha Yepario niosu m̄e'u n̄ip̄. Muhipū diharope niosu m̄e'u ninopo toho wero koya di'ta nisetiro nisa tiapea. Ko bero kohō mari pitoru niñosa ninopo ko wametipo Yupako. A'pera numiā wameye nopara Yepañiō, Pirōduhiō, Duhigó a'rā numiāre ūmukoho Ñeku nirā wapara ūm̄use Wi'ip̄ top̄ yu'emerā nirā waya ninopara na numiā k̄re weta morā waya bero kaharap̄ a'tira na niā tehore n̄ip̄. A'tiro da'rase d̄ekawa taha ma'a yu'ue

toho weya nike werã waya ninopara. A'ra nipara Ū'mekoho Ñeku newaropu mérôro merã base pátu waharopu putisa weka bahuakara.

Na yu'u a'kawerera ye'pamasa tohonika yu'u utamorimasa te pátu ba'â naïse toho wekara meheta wema niwã, a'meri na masise were, a'tiro nikaro niwëto niseti, de'ro o'ori më'u to basero niî, a'tiro warosa niî masio wesetira wekara niwa na békura, ukû a'mesøo a'tiro nisetira mari a'ti patire, a'tiro werã marî añuro nirasa niî a'te niâpø yu'u da'ra bokake niî te pátu siô wesitikara niwa na kumuã.

## Pátu wa'ímasa ya wi'ípu

---

Síkëma dë'poro (2019) nika yu'u békûrare tohonika a'ti ū'mekoho kase seriña buera merã O'anu nerekea ukûwu pátu kasere to na de'ro pátu Wa'ímasa tiropu nikere a'ti di'tapu mibahureõ nopari nise masiôwa. Iñare më'usakera a'to doka niî na yu'ure were masiôkaro.

Ye'paoákø wametigu nümo merã bahuapa a'te pátu nia tehe. Kø numiâ amagø wepø. Weharë kuya wi'í buaro nukûparo puhpiu. Tigø do'ka nimuhapara numiâ añuro numiâ puhipia see ba'ärã. Na mumiâ nipara wa'ímasa numiâ. Narë ñeguti nigu iñakasopu a'te yawi, wisõ niâ tehere. Ñeô tipara na numiâ. Weha i'ña a'te waitudari niâ tehere ñakasopu. Temerâ ñepø maha nikô. Kore nümoti kupu.

Weharë ko wa'ímaso niyugo waire ba'âtipo. Ko a'kawerera niparâ ko ñahapema, ko pakusumua tiropu migo wa we tihago baa mëhapo. Tohowe nika nümø kø wageti niha tuogo arâ mëhsiroäre amaña nipo. Ko toho nihâ tuogø wi'í pahairiwi wepø. A'te ñumu pahka purî, neë purî merã muhipeo wetihagø te purî baarare sepe maha. A'te wapø, wahsõ merã senemo wetihagø wapø kë mañekø sumea tiropø. Na nipara pirõa. Toho kë ehaka ñenoho baarikø nimipø. Marirëta baakawa nipo kopea. Arâ diayoa, diatimiâ baakotepara këpema. Beropø maha pátureta baawikû nipo. Mata ko pátureta ba'âwikø ko nihâma keoro waaboporo. Tomerâ beropø sëori pátu suage wapø. Ko bahsi tige a'tiro serê nikuhure tunoâ kehopo. Noahâkea wapø ko paküho pea maha. A'tiapere tere mi daha ohtepø a'te páture (Kumû Mario Campo Úmekohorimasu. Pátu kase ukûse. O'ânu, 2019).

A'to kiti ukûro pøre na werekaropøre te pátu këokø Wa'ímasu niîpi niî masio. Kø porâ numiâre Ye'paoákø yaø pupiâ bëresere sê ba'â kusiapara peyetiri na numiâre ñesiri wemipø toho kaributiro merã ñeöpo niko base merirô merã. Këmera nikumi nika nümø te'a yu'u pakusumua tiropø sihara niî miâpo toho ehago wesepe pátagø nukû këhure pemipo nika dë'pø. A'tiro we a'ti di'tapu mî eha marapøre wiapo kë kera ko pakø werohota masise, tøoñase këoto niño. A'tiro ko wekaberopø ti pátagø masø kë këo këhø dohoporo wa'ímasu mako merã a'ti di'ta mî bahureõ nopo ro ti pátagø. Ko wesepe pátu dë'pøre pemika ko paküpe wi'ípøre u'üpøtø karikû, ñaro wa turûkuñapø semâkaha oã purika, tí pátagø kë wa'ímasu semâ kaha oã weroho nirô weporo toho wei toho wapø.

Tohowero a'peroma tí pátugue na Pamurimasare wa'ímasa tiropue mitike weroho na i'ñase nií toho werata na baseka tere ba'â niîto nií masiosetima. Ko wa'ímasue mako merã a'to mí bahureõnopa a'tiro ko marapure a'peye masise masi nemoka waka wepo te a'to kateropure toho nisetisa tigue. Tohowero, pátu mañekëgue ni tueñaro, masiro wa'a we añuro i'ña kasakarê. Tohonika toho weita kue "masue békura na ukûse masiñue na wa'ímasare utamô nisiô dëpo wei nimi masa a'ti di'ta kaharare i'ñatutirô marirô merã a'merí niâto niñue" (Azevedo, 2018, p.57).

## Pátu a'ti Di'tapue

---

A'to masiô norosa nopue, de'rowe i'ña nuerue wese kase a'te páture. Wesepue te páture o'tesama. Toho sera a'tiro wesama. Wese werâtira newarore tarâ, pâ wema be'ro kuma waka ue'hue wema toho wekabero dë'ku bubema. Wese dekore o'tema nikue añuro dobeñu kuehue tutuañu kuehue. Tohowero a'tigue wiogue weroho niîsa wesepure, mari masare maka kuehue wiogue weroho.

Pátu bubeka purika i'ñawue yue'u pakusumue na o'teka Tiquiépue niñue, wese de'ko o'tewa a'tiro a'paka wewa tohowera páтуka pisuewa. Morëtiva a'peye pátu wametise merã. Yue'u pakue pátu ba'â naïño wetiwi weipea tohonika ne basanuemuri a'ponueko temera a'meri kue peñamera useti wetiwi meho wesepue pátuka kueoseti nikawi. Wese wasetiri nuke tere kurewewi. Wese weita kue pátu bubea tohore bese weoka wewi. A'tiro niî mëhawi: "yue'upora a'to nirosa ya pátu". Ti wese ue'hukabero yue'u pakore yue'u mamiô kerare were nemowi dë'ku bubetikaña pátu bubea tohore niî mëhawi. A'peteroma seriña mëhawi yue'u pakore no añuti mu'ue i'ñaka pátuca bubero niî mëhawi to na pueare ukue a'mesue wemëhawa. "Ciúda, nô mu'ue iñakama pátuca o'tero añuti?"

A'peye ma'karima numiäta pátu bube, i'ñanuerue, suâ, da're ba'â toho wetaha nuko ue'mue te da're ba'â masitire dë'kawapo. A'tiro ko niko numiô kumu makue merã ko tohasiritika dohoreõka tohonika pátu ba'âgure ko yabipeka toho wepara toho wese kuora noho. Tere a'kuase ehöma, pátu ba'âse meha wesama kore. A'tiro wesere na békura basi diakue masisama weretisama pañara wateroma.

Te kiíre da're ba'âpeo taha wekapure añuro a'sibusuri pihi wiha maha tore ahuña niî pisûno, te pátupea da're ba'âpeo wekapure añuse na marâri marise wiha. A'tiro te puearo da're ba'âsere niñe nuko i'ñakare pátu da're ba'âsere kií da're ba'ârore iñakü wenopa niîro wa taha. Te kií ue'mëkohori nuke da're ba'âse ni. Te pátu te petikapue tere da're ba'âsetima, masa nipetirâ i'ñoropue. Yaiose mari. Toho nimika wimarrâ pakosa numiâ ná pátu da'rebarore tuâ du'titima. De'ro wera niña? Nê nukekaropue masiô nomiâpue a'te basese merã te wateropue tere da're ba'â duhigue wepue. Tere masori nirâ wimarrare tuâro ue'âtipara pakosa numiâ.

Numiāpe daharitero wāminukue nika da're ba'â nūkama, na ʉ'mʉape daharitero wāmi nēka ka bero da're ba'â nēkama. A'pera ñamipʉta da're ba'âkawa na merā kahara ukū duhí werikura na kʉose pátu a'merī siō werikura.

Pátu suâri nʉmʉre piî kapiâka miâwi te kase diakʉ suâsaripiî niwʉ. A'piâ to suaropʉta bote puripʉ suapeo be'ro añuro misida merā waruaka mî toha ehawi. Suâ taha tohatigʉ pátu moâ puri ñañi bʉrʉkera sê toha tiwi wese maa sumûto nisere. Tea taha be'ro ʉhʉa wekabero pátu morese wa taha tea. A'tiro we na da're ba'âkere ne ba'â nūkarama kumuâ ye'pamasa basese merā baseka tere e'kama bækərā na duhí nañoropʉ duhíaka nirã. Toho wetikare te ba'âma nimita wisiawa, diípetiawa, wʉha pihagʉ wa wenosa niwa. Te pátu na da're ba'â weka wihekʉpʉ kumuâ ye'pamasa na tœñaka wese niî, kʉya kumuropʉ tœña duhí weka wese niî. Tere a'meri siobʉrʉo nerê na wesetise niî merítikama te nerema nimita uhusatita wiose niñrowe.

Pátu puri ʉ'tese toheweckere dokese merise ʉ'arowe te noho wepokʉ diakʉ wemi. Te ʉ'teñta, dokeita basa wemi kʉâ taha base basagʉ wemi. Toho noã te kasere masî buesiri noho wetamo meriâ wamî. Kumuâ ye'pamasaa na masisepʉ bese wekara nisa te pátu na basekepʉre a'te katiri waharo, uküsetiri waharo, tœñesetiri waharo, kumüâri waharo, yaíari waharo, bayari waharo teta warosa kʉ ma niî na baseka waharo niro wesa tí pátu waharo. Tohowera na añuro beti tere ba'â wera ʉ'pʉ tutuara, tœñase pekera añuro wa werosa niwa.

Te páture bubegʉ ʉ'mʉ diakʉ wese noho níporo tere da're ba'ase tohota níporo. Wese de'keo tohonika wesema sumuto bubewa tere matapʉta toho o'tesetike niro weporo. A'to pátu suâropʉta na bækera na masise werepara a'te kiti ukûse, basese tohonika basase. Toho na bækurare suâtamo weka wererã wepara poóse nʉmʉri usetise, mʉrôpʉ usetise, a'kasʉose kase a'peye werepara to pátu suâropʉ kerã.

Pátu kasere poterikahara na iñaseti masise merā ukûkare de'ro nise noho wati tere nerêka tohonika “ʉ'sero yasawe” (Echeverri & Pereira, 2005) kase meheta ukûro niî, a'pero tœñaro ninemoka wese kʉo tea taha. Te pokare ba'â wekare a'te kiti ukûse, a'te basese tohonika basamori na bækurare da'rарopʉ, wa'í wêropʉ, wa'íkʉra desuropʉ, pátu ba'â nañoro bapati tœ weke wakú nʉrʉ tœñurʉ eheaka wetamose niî na poteri kahara pema. Na pekasape te wetareta sibiô a'peye “química” morenemo tere wihma nimirata matise, tœmasitise, a'mewese waka we napema. De'ro wero toho wasari? Naye mehëta nikaro nimiwʉto toho wera toho wama. Nabasi na a'kawererare dohoreõka wesetima napea temera. Na poteri kaharape te na da're ba'ase kʉoseti wema nakera, toho weya ninoke kʉose niñto niî masima, tere da're ba'â taha a'meri a'te niâpʉto yʉ'ʉ darabokase niî iñno bʉrʉo wema, iñatiropʉ tere da'rero marirô, nʉoro duti wero marirô tohowero te ʉ'mʉ ba'âse niî.

Umukoho Ñekʉ semâ kaha oã niî nise nito. Ú'mʉ kʉ tutuase, kʉ oâʉ'puri, kʉ a'peka nirõ we teâ taha. Numiôre ko dʉ'kʉ weroho nirõ we te pátu kʉ ú'mure.

Te páture o'te tere da're ba'â wesetirâti niîra añuro bækura na ukûsere masîro ɻarowe, añuro ɻ'pore i'ñaneru, pakusumua tohonika porâre tohota, betika wero nisa niwa, na bækurare wiopesase merâ i'ña ukũ t̄eo wero nisa niwa, tohowe masîsere a'perare wereturiaro niî niwa.

Na ye'pamasa te pátu Ú'mukoho Ñekʉ a'tipati nisere da're bahureõti kʉ bʉâ ba'âke níporo temerata masa ne kʉ bahureõka kararẽ da'repʉ. Tere bʉa ba'âka masise t̄eoñase wasa a'te kiti ukûse, basese tohonika basamori bækʉ ye'pamasere t̄ooke. Toho wero te pátu t̄eoñaka wese niî na ye'pamasare. Na bækura ye'pamasa na masise parîpehaka, wepehaka wese niî. Tohowero te pakase basa nʉmʉri nika na kʉose tohonika na ñamikari nʉkʉ ukü duhí naññoro na ba'â duhise niî t̄eoñase masise toho we peha nʉkokato nirâ na ba'ase, na bækura a'peka tutuase niâto tohonika na oâʉ'puri añuro tutuase niâto nirâ na ba'âse niî.

## Notas sobre a grafia das palavras em tukano

Este artigo segue a grafia das palavras tukano adotada pela Escola Indígena Tukano Yupuri, do médio Tiquié, que há anos vem desenvolvendo experiências de registro com sua própria língua, a partir de uma simplificação da escrita dos missionários salesianos e de linguistas como Henri Ramirez. Os traços nasal e tonal das palavras, assim como as vogais longas ou os grupos de vogais, não são registrados sistematicamente. As vogais e consoantes adotadas são: a, b, d, e, g, h, i, k, m, n, ñ, o, p, r, s, t, u, ɻ, w, y, além do símbolo de nasalidade. Abaixo segue adaptado do linguista Henri Ramirez, *A Fala Tukano dos Ye'pâ Masa*. 1997.

**a, e e u** pronunciam-se como português; **e e o** são abertas, como em fé e avó; **u** é uma vogal pronunciada como i, mas com a ponta da língua voltada para o céu da boca; **r** pronunciasse como em caro; **ñ** pronuncia-se como o nh do português ou ñ do espanhol.

Os Ye'pamasa do médio Tiquié, no âmbito de seu projeto de uma escola indígena, estão em processo próprio de definição de uma grafia para sua língua. As palavras e as frases em ye'pamasa contidas neste artigo fazem parte desse esforço.

## Referências

AZEVEDO, Dagoberto Lima. (2018). *Agenciamento do mundo pelos kumâá Ye'pamahsâ: o conjunto dos basesena organização do espaço Di'ta Nt̄hkr: ye'pamasa mahsise, t̄uoñase bahsesepʉ sañase nisé mahsiõri turi ni*. Manaus: EDUA, Coleção Reflexividades Indígenas.

OFICINA de Pátu (2019). Comunidade. Serra do Mucura. Médio Rio Tiquié/  
Terra Indígena do Alto Rio Negro-AM

GENTIL TUKANO, G. (1983). Epadu é tradição Cultural. In: Ricardo, Carlos  
Alberto (Ed.), *Povos Indígenas do Brasil* (p.38). São Paulo: CEDI.

PÃRÖKUMÛ, Umuši (Firmiano Arantes Lana) e Kéhíri, Tõrãmû (Luiz Gomes  
Lana). (1995). *Antes o Mundo Não Existia - Mitologia dos Antigos Desana*  
- Kéhíriporã. São João Batista do Rio Tiquié: UNIRT; São Gabriel da  
Cachoeira: FOIRN.

RAMIREZ, Henri. (1997). *A fala tukano dos Ye'pâ-Masa*. Manaus: Inspetoria  
Salesiana da Amazônia Cedem.

ECHEVERRI, Juan Álvaro e Pereira, Edmundo. (2005). “Mambear coca não  
é pintar a boca de verde”: Notas sobre a origem e o uso ritual da coca  
amazônica. In: Labate, Beatriz Caiuby e Gaulart, Sandra Lucia (Orgs.), *O  
uso ritual das plantas do poder* (pp. 117-185). Campinas, SP: Mercado da  
Letras.